

Nova afera potresa državnu agenciju

# Granični policajci prijavljeni zbog krađe 30.000 metaka!

Krivične prijave podnesene protiv osam službenika, a terete se za nesavjestan rad u službi, krivotvorenje isprava...

Čelnici Granične policije BiH podnijeli su prije nekoliko dana krivične prijave protiv osam službenika zbog sumnje da su učestvovali u krađi 30.000 metaka iz magacina u Sarajevu, ali i optičke i informatičke opreme i mobitela, saznaje „Avaz“.

Ovu informaciju potvrdio je jučer za naš list i Svevlad Hofman, savjetnik direktora Granične policije BiH Zorana Galića.

Hofman ističe da je službeni izvještaj podnesen protiv bivšeg načelnika Centralnog istražnog



*Sjedište Granične policije:  
Otkrivene nepravilnosti*

ureda S. P., bivšeg voditelja Odsjeka za istrage Z. Š., bivšeg voditelja Odsjeka za prikrivene operacije pri Centralnom istražnom uredu M. F., inspektora u Odsjeku za istrage E. S., bivših policijskih službenika M. P. i A. B. te namještenika B. A.

Prema nezvaničnim informacijama „Avaza“, prijavljeni su Semir Pašanbegović, Zdenko Šanje, Muamer Fazlagić, Eldin Smailagić, Mijo Pejić, Alija Bajrica, Admir Bezdob i Branko Mijatović. Mijatović se sumnjiči i za pronevjeru u službi. *M. Aš. – E. T.*